

АҚПАРАТТЫҚ ХАБАРЛАМА

2018 жылғы «17» шілде

БЖЗҚ-да жазғы журналистика мектебі өткізілді

Алматы, Қазақстан – «БЖЗҚ» АҚ осымен үшінші рет БАҚ өкілдері, студенттер және блогерлер үшін зейнетақымен қамсыздандыру саласындағы қаржы журналистикасы бойынша «ҚР жинақтаушы зейнетақы жүйесіне 20 жыл: қорытындылар және даму бағыттары» тақырыбында оқыту бағдарламасын өткізді.

Биыл оқыту модульдері мына тақырыптар бойынша ұсынылды: зейнетақы құқығын қалыптастыру және жүзеге асыру, қолданыстағы электрондық қызметтердің қалай жұмыс істейтіндігін көрсету, әлем елдерінің жинақтаушы зейнетақы жүйелерімен таныстыру, болашақ зейнетақыны жоспарлау және есептеу, сондай-ақ, «БЖЗҚ» АҚ ақпараттық жұмысы.

Сарапшы ретінде Қордың және Ұлттық Банктің мамандары қатысты. Олар Қазақстан Республикасының зейнетақы заңнамасындағы өзгерістер, зейнетақы құқығын қалыптастыру және жүзеге асыру мәселелері және халықаралық зейнетақы жүйелерінің модельдері туралы әңгімеледі.

Бұдан басқа, «Болашақ зейнетақыны қалай жоспарлауға болады?» деген тақырыпта шеберлік сыныбы өткізілді. Қатысушылар Қордың көрсететін қызметтері және өңірлік желісінің жұмыстарымен жете танысты. Сондай-ақ, сарапшыларға өздерін мазалаған сұрақтарды қоюға мүмкіндік алды.

Мектепке қатысушылар оқыту бағдарламасы аясында тәжірибелік сабақтарға қатысып, Қор филиалы бойынша экскурсия жасады және алған білімдерін пысықтау үшін жинақтаушы зейнетақы жүйесі бойынша Kahoot желілік ойынына қатысты. Курс соңында қатысушыларға қаржы журналистикасы бойынша оқыту бағдарламасынан өткендіктері туралы сертификаттар және жүлделер табыс етілді.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Қазақстан Республикасының Президенті басшылық ететін Ұлттық қорды басқару кеңесіне берілді. Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

«БЖЗҚ» АҚ баспасөз орталығы
БАҚ үшін байланыстар: press@enpf.kz